



education

Department:
Education
REPUBLIC OF SOUTH AFRICA

**NATIONAL
SENIOR CERTIFICATE**

LIBANGA 12

SISWATI LULWIMI LWEKUCALA LWEKWENGETA (FAL)

LIPHEPHA LESITSATFU (P3)

LWETI 2008

EMAMAKI: 100

SIKHATSI: 2½ ema-awa

Leliphepha linemakhasi lasi-5.

TICONDZISO KULABAHLOLWAKO

1. Leliphepha lehlukane tigaba LETINTSATFU:
 - SIGABA A: Indzaba. Labahlolwako baphocelelekile kutsi bacale ngeluhlaka. (50)
 - SIGABA B: Ematheksthi emibhalombiko (30)
 - SIGABA C: Ematheksthi laticukatsilwati/tibonwa/nalasebentisa tinhlobo lehlukene tekuchumana (20)
2. Labahlolwako balindzeleke kutsi baphendvule munye umbuto esigabeni A, munye esigabeni B namunye esigabeni C.
3. Cala lesi naleso sigaba ekhasini lelisha udvwebele emva kwaleso naleso sigaba.
4. Shiya umugca emkhatsini wetimphendvulo takho.
5. Bhala ngebunono nangesandla lesifundzekako kusita labatawuhlola umsebenti wakho.
6. Caphelisisa sipelingi nendlela yekwakha imisho.

SIGABA A: INDZABA

Bhala indzaba NGASINYE saletihloko letilandzelako ibe ngemagama lali-190 – 240.

1. Kuswelakala kwemisebenti kungulenyeye yetinselele iNingizimu Afrikha lebukene nato. Wena ubona kutsi yini lengentiwa kumelana nalesimo? [50]

NOBE

2. Bhala indzaba ucondzise kulomfanekiso longentasi. Indzaba yakho yinike sihloko lesifanele.



[50]

NOBE

3. Khetsa munye kulabaholi ubhale ngaye indzaba lechaza ligalelo lakhe enhkululekweni yalelive.



[50]

NOBE

4. Leningakwenta nangingaba ngumceceshi weBafana Bafana. [50]

NOBE

5. Buhle nebubi bekutsi bafundzi baphatse bomakhalekhikhini etikolweni. [50]

NOBE

6. Uyavumelana yini nekutsi emantfombatana lakhulelwe angavunyelwa kuya etikolweni kepha bafana labawakhulelisile bona bachubeke nekufundza? [50]

SAMBA SIGABA A: 50

SIGABA B: EMATHEKSTHI EMIBHALOMBIKO

Khetsa kunye kulokulandzelako ubhale ngako ngemagama langema-80 – 100.

1. Umzala wakho longuthishelanhloko ushonile engotini yemoto. Wena ucelwe ngumndeni kutsi ubhale umlandvo wakhe njengobe nilungiselela lusuku lwekumfihla. Bhala lomlandvomufi. [30]

NOBE

2. Untjontje imoto yakini ngalesikhatsi batsi yiwashi wase uyayishayisa. Bhala inkhulumomphendvulwano emkhatsini kwakho nemtali wakho. [30]

NOBE

3. Bhalela umngani wakho incwadzi umhalalisele ngekutfole umfundzate wekuyofundzela bunjiniyela eJapan. [30]

NOBE

4. Kukhona lokusolako ngamakhelwane wakho. Usola sengatsi kukhona lakwentako lokuphambene nemtsetfo. Bhalela umphatsi siteshi semaphoyisa sangakini umatise ngaletinsolo, uchaze nekutsi yini lena lekusolisako. [30]

SAMBA SIGABA B: 30

SIGABA C: EMATHEKSTHI LAMAFISHA

Khetsa kunye kulokulandzelako ubhale ngako ngemagama langema-60 – 80.

1. Uvule sitolo semculo lapho uhlala khona. Bhala sikhangisi kute watise sive ngalesitolo sakho. [20]

NOBE

2. Sikolo senu sihlela kwenta lidzili lakhisimusi, sentele bantfwana labahlala ekhaya letintsandzane. Bhala likhadi lesimemo ubameme. [20]

NOBE

3. Bantfwana labanyenti endzaweni yakini abakhoni kutfole imali yesondlo kuhulumende ngenca yekweswela lwati. Njengasonhlalakahle ubone kufanele kutsi ubhale tindlela labangatilandzela kute batfole lemali. Ase utibhale. [20]

SAMBA SIGABA C: 20

SAMBA: 100